

Kerwei

Als letschti ihre Kerwei feire
Die Andreser im Banat;
Groß un kleen g'sieht mer beim Scheire:
So e Zeit, die hat Format.

Am letschte Sunntach vor Advent -
Spätr geht es wirklich net -
Kumme Gäscht vun weit gerennt;
Es wird norr meh vun Kerwei g'redt.

Iwers Dorf schon Newl steie,
'S letschti Loob am Feld iss g'schniet;
Do kann sich jung mit alt norr freie:
Die Kerwei geht 'ne in's Gemiet.

De neie Wein is gut gelung -
Er zeigt sich in seim reinschte Gold;
Es wird getanzt, gejuxt un g'sung:
Die Mädle sinn de Buwe hold.

Zum Tanz um's Faß se kumme hin-
Hut un Tichl sin zu steigre-
Dezu a Strauß aus Rosmarin;
Wer will de Jugend des verweigre.

Dr Strauß mit hunnert Bänner dran,
Die alte Tracht' kumme zu Ehre;
Mir hann se noch vun unsre Ahn
Um Lieb' un Brauchtum zu vermehre.

E Volk, des an sei Väter denkt
un aach de Herrgott net vergeßt,
Des wees, daß er sei Schicksal lenkt
Un sei Platz im Himml vrmeßt.

De Faßbuwe ihr erschtr Wech
War frieher der in die Kerch geweene;
Dann hann se gfeiert noch drei Täch:
An de Kerwei war's noch immr scheen.

Vrgeß sinn heit all' Sorch un Leed,
'S beshti Esse wird traktiert,
Dezu e Wein vun de schenschte Mäd'
Die Stimmung hebt, die Gurgl schmiert.

Die Kerwei unser großes Fescht
'S Herz vun jung un alt erfreit;
Es wimmelt in jed'm Haus vun Gäscht:
Die Kerwei iss die schenshti Zeit!

Matthias Weber